

Enrique Antón Chouciño Garrido, concelleiro e voceiro municipal do BNG-Asembleas Abertas, ao abeiro do Regulamento Orgánico Municipal e atendendo ao dereito de petición, e tamén á petición do Sr. Alcalde de achegas dos grupos municipais para elaborar os orzamentos do 2018, queremos facer as seguintes:

ACHEGAS AOS ORZAMENTOS 2018

1. Incluír partidas para cemiterio municipal.
 - o Non debe demorarse máis a creación dun cemiterio. Hai xente de Culleredo comprando nichos noutros concellos da contorna.
2. Humanización de rúa O Regueiro.
 - o Se ben acaba de aprobarse un proxecto de pavimentado, para financiar polo POS+2018, a zona precisa de algo máis. Continuidade nas beirarrúas, ordenación do aparcamento, accesibilidade etc...
3. Melloras no entorno do rueiro Pablo Picasso.
 - o A pequena área recreativa que hai alí está ao carón duns valados publicitarios que deben ser retirados e humanizar así a zona. Tamén ver as posibilidades de usar aquela área deportiva para o uso de todos previa rehabilitación e mellora.
4. Zona de lecer interxeneracional (infantil e de maiores) no terreo municipal que fai esquina entre a costa da Lonxa e a rúa Ribados que actualmente se usa como aparcamento de forma privada.
 - o Se a escusa do goberno municipal que ten dado outras veces era inaceptable, agora que xa hai sentenza firme, é totalmente irrebatible. Debe usarse este recurso, escaso en plena zona urbana do noso municipio.
5. Circunvalación a Castro Laxe.
 - o Debe buscarse xa unha solución ao tráfico rodado e peonil neste entorno antes de que teñamos que lamentar unha desgraza.
6. Completar a rúa Xafonte.
 - o Ao chegar perto da ponte baixo a autoestrada, a rúa estreitase e carece de beirarrúas. Debe ser completada sen demora posto que é un dos principais accesos ao núcleo da Laxe e zona de esparcemento de moita xente maior de Vilaboa que corre perigo ao camiñar por alí.

7. Melloras de mobilidade peonil na rúa Vicente Risco.
 - o No tramo anterior á confluencia coa Rúa Domingo Sierra, hai un tramo sen beirarrúas. Debe completarse para mellorar a circulación peonil nesa zona.
8. Mellora e humanización do parque da Rúa Senra e Roi Xordo.
 - o O deterioro dese parque vai en aumento. Usalo como campo da festa empuxa nesa dirección. Debe poñerse en valor para a veciñanza da zona e mesmo completar esta actuación coa busca dun emprazamento alternativo para a festa.
9. Mellora do entorno da rúa Fonte da Balsa.
 - o A zona está moi deixada de instalacións e recursos que fagan a urbanidade más humana.
 - o O aparcamento pode mellorarse con pequenos investimentos.
10. Reforma da casa do Legoeiro da AC-211.
 - o Debe dispoñerse dunha partida económica para a rehabilitación e posta a disposición de servizos sociais para destinar ao mellor tipo de recurso e o máis necesario que este servizo defina, tal como temos debatido na última reunión da comisión antidesafiuazamentos. A vivenda de tránsito está anulada de facto tal como quedou aclarado alí e Culleredo carece deste recurso. Podería se o fin acaído.


A maiores das propostas anteriores, queremos facer lembranza de propostas do propio goberno municipal das que nunca máis se soubo:

1. Cubrir a zona de ambulancias do centro de saúde de Acea de Ama. (Dación de conta do goberno municipal no consello sectorial de participación cidadá do 16/5/2017).
2. Humanización da N550 ao paso por Vilaboa.
 - a. Moito se ten falado na prensa deste tema, máis nada vimos nos últimos anos no orzamento que é onde debe aparecer. Agora a vía é titularidade municipal. Debería haber fondos previstos para definir, entre outras, actuacións como:
 - i. Mellora da seguridade viaria no cruce coa baixada do Monte Alfeirán.
 - ii. " " nas semirotondas do cruce coas rúas da Senra e Perez Luguín.
 - iii. " " nos cruces con Xafonte e Domingo Sierra e Vicente Risco.

- iv. Mellora da seguridade e accesibilidade das beirarrúas na ponte sobre a autoestrada.

E ademais queremos facerlles acordo de cuestións propostas nos consellos de participación cidadá que nunca se avaliaron con rigor, é dicir que nunca foron obxecto de valoración técnica, viabilidade xurídica e económica. Ao Consello Xeral do pasado martes 19 de Decembro a presidenta do Consello, unha vez máis, chegou con unha lista escollida polo goberno municipal sen dar lugar a debate e elección de propostas tal como establece o regulamento, anulando así o seu cometido. Tristemente a participación nos concellos achegase ao cero debido ao uso perverso deste mecanismo polo goberno municipal de limitalo a dacións de conta e loas á súa actividade de gasto do orzamento municipal. Así pois leembrámoslles:

1. Continuación das beirarrúas que se paralizaron hai anos na zona de Celas de Peiro. (antes da gasolinera AC-400).
 - a. Solicitado o ano pasado pola asociación de veciños O Cruceiro no consello sectorial de Obras.
2. Prolongación e remate da Rúa María Cagiao.
 - a. Solicitada o ano pasado pola ANPA ría do Burgo no consello sectorial de educación.
3. Completar a estrada de Orro á Zapateira.
 - a. Solicitada o ano pasado no consello sectorial de educación porque non pode usar áinda o transporte escolar.
4. Carril bici desde Vilaboa ate a avenida de Rutis.
 - a. Solicitado este ano no consello sectorial de educación.
5. Piscina municipal.
 - a. Solicitada o ano pasado polo clube de natación Culleredo no consello sectorial de Educación.



En Culleredo a 22 de Decembro de 2017

Enrique Antón Chouciño Garrido.